

## ХИЧЭЭЛ 1

УНШИХ ЗҮЙЛ: 1 САМУЕЛ 16:1-13; ЭЦЭГ ӨВГӨД БА ЗӨНЧИД, Х. 637-642.

# Зүтгээр л Хоньчин Хүү гэж үү?

Та Есүсийн хувьд чухал нэгэн үү? Бас таны аав ээж, найз нөхөд тань мөн чухал уу? Их Эзэний хувьд хүн бүр чухал юм. Давид хэмээх жаахан хоньчин хүү ч мөн чухал юм.

# Н

эгэн өглөө Их Эзэн өөрийн зөнч Самуелтай ярьж түүнд "Бетлехем рүү явж, тэнд амьдардаг

Иесси гэдэг хүнийг ологтун. Би Иессигийн нэгэн хөвгүүнийг

Израилийн дараагийн хаан болгохоор сонгон авлаа. Тосоор дүүргэсэн савыг мөн өөртөө авч явагтун" хэмээв.

Самуел саваа тосоор дүүргэн дараагийн хаан болох Иессигийн хөвгүүнийг олж тослохоор аян замдаа гарлаа.

Самуел Бетлехемд ирээд Иесситэй уулзав. Тэгээд тэрээр Их Эзэнд өргөл өргөхөөр бэлтгэж тэр үйл



### Цээжлэх Ишлэл:

"Хүн гаднах төрхийг хардаг бол Их Эзэн сэтгэлийг нь хардаг"

1 САМУЕЛ 16:7.

### Тол Санаа:

Их Эзэний хүмүүс хүн бүрийг үнэтэй чухал гэдгийг ойлгох болно.



явдалдаа тосгоны удирдагчид болон Иессиг хөвгүүдийнх нь хамт дууджээ.

Иесси долоон хөвгүүнтэйгээ хамт ирэв. Самуел тэдэн лүү инээмсэглэн харахад, ууган хүү Элиаб нь ихэд царайлаг бөгөөд өндөр харагджээ. "Энэ хүү л дараагийн хаан ширээ залгамжлах хүү мөн байх" хэмээн Самуел бодсон боловч Их Эзэн түүнд "Царайлаг болон өндөр нэгнийг бүү харагтун, учир нь тэр миний сонгосон хүн биш юм" гэв. Тэгээд Их Эзэн Самуелд нэгэн онцгой зүйлийг хэллээ. "Их Эзэн хүмүүсийн нүдээр хардаггүй юм. Хүмүүс зөвхөн гаднах төрхийг нь хардаг бол Их Эзэн зүрх сэтгэлийг нь хардаг юм" гэв.


Иесси Самуелд дараагийн хүүгээ танилцуулахад тэр нь мөн л Их Эзэний сонгосон нэгэн биш байлаа.

Иесси Самуелд хөвгүүдээ нэг нэгээр нь танилцуулахад тэдгээрийн нэг нь ч Их Эзэний сонгосон нэгэн биш байв. Самуел сүүлдээ эргэлзэн, Иессигээс "Танд өөр хүү байгаа юу?" гэж асуухад Иесси "Нэг бий, тэр миний хамгийн отгон хүү бөгөөд хөдөө хонио хариулж байгаа" гэлээ. Тэр үед хоньчин хөвгүүд тийм ч чухалд тооцогддоггүй байв.


"Түүнийг авчир, тэр хүүг иртэл бид зоог барихгүй" гэж Самуел хэлэхэд удалгүй Давид ирлээ. Давид Их Эзэнд хайртай бөгөөд хэдийгээр тэр жирийн л нэг хоньчин хүү ч гэсэн Их Эзэн түүнд ихэд хайртай байв.

"Миний сонгосон хүн энэ мөн байна, түүнийг тослогтун" гэж Их Эзэн Самуелд хэллээ.

Самуел хүүг тослоход Их Эзэний Ариун Сүнс түүнийг адислан түүнд гайхамшигт ажлыг хийх хүч чадал өгчээ. Хоньчин хүү Давид Их Эзэний хувьд чухал нэгэн байсан уу? Тиймээ, тэр үнэхээр чухал нэгэн байсан бөгөөд та ч бас Их Эзэний хувьд хамгийн чухал хүн мөн билээ.



# Дасгал Ажил



## ШАББАТ

Энэ долоо хоногийн өдөр бүр хичээл дээр үзсэн түүхийг уншаад цээжлэх ишлэлээ давтаарай.

- Хүмүүс** .....Алгаа доош харуулаад гараараа тойрог зурах.
- гаднах төрхийг** .....Алгаа доош харуулаад цээжнээсээ доош буулгах.
- хардаг бол** .....Гараараа нүдээ саравчлаад хоёр тийшээ харах.
- Их Эзэн** .....Дээшээ заах.
- зүрх сэтгэлийг нь** .....Зүрх рүүгээ заах.
- хардаг юм.** .....Гараараа нүдээ саравчлаад хоёр тийшээ харах.
- 1 Самуел 16:7** .....Алгаа нийлүүлээд дэлгэнэ.

ямар чухал болохыг хамтдаа ярилцаарай.

Мөн өөрийн улсад байдаг хамгийн чухал хүний зургийг үзүүлээд тэр хүн яагаад чухал болохыг ярилцаарай. Асуух нь: Энэ хүн чамас ч илүүтэйгээр Их Эзэний хувьд чухалд тооцогдоно гэж бодож байна уу? Бүр эмээгээс чинь илүү гэж үү? Яагаад?



## ЛХАГВА

Найзууд эсвэл гэр бүлдээ байгаа бусад хүүхдүүдийн тоог хүүхдээрээ гаргуул. Асуух нь: Давид хэдэн ахтай байсан бэ? Давид хамгийн ууган нь байсан уу? Хамгийн отгон нь байсан уу? Эсвэл дундах нь байсан уу? Чи айлын хэд дэх хүүхэд вэ?

## НЯМ

1 Самуел 16:1-13-г уншаад "Самуел яагаад Давидын ах нарын нэгийг дараагийн хаан болохоор сонгогдсон гэж бодсон бэ? Их Эзэн яагаад Давидыг сонгосон бэ?" гэж асуу.

Давидын тухай хэн нэгэнд хэлж байхдаа түүнд хонио өгөхөд нь та хүүхдэдээ туслаарай. (Эсвэл хүүхдээрээ хонь зуруулан түүн дээр нь хөвөн наалгасан ч болно.)



## ПҮРЭВ

Гэр бүлийнхнийхээ хамгийн дуртай хоолыг бэлдэхдээ хүүхдээрээ туслуулаарай. Хүүхдээрээ хоолоо зөөлгөж ч болно. Гэр бүлийнхэн тань танд хамгийн чухал бөгөөд Их Эзэний хувьд ч чухал гэдгийг тэдэнд хэлээрэй.

Хичээл дээр үзсэн зургуудыг тайлбарлахад нь хүүхдэдээ туслаарай. Асуух нь: Хоньчин хониныхоо төлөө юу хийдэг вэ? Давид сайн хоньчин байсан уу? Чи яаж мэдсэн бэ?

## ДАВАА

Хүүхэдтэйгээ хамтаар гэр дотор байгаа жижиг хэдий ч чухал зүйлүүдийг олоорой. Хүүхдүүд Их Эзэний хувьд ямар их чухал вэ гэдгийг хүүхэд тань ойлгохын төлөө Есүсээс залбиран гуйгаарай.

## МЯТМАР

Жижиг чулуу, навч, үр, өд гэх мэт байгалд байдаг зүйлсүүдийг хүүхэдтэйгээ хамт олоод тэр олсон зүйл тань

## БААСАН

Магтаал залбирлын үеэр гэр бүлийнхэнтэйгээ хамтраад хүүхдэдээ хичээлийн түүхийг жүжигчилж үзүүлэхэд нь туслаарай. Хүүхэд тань ямар нэгэн тос үнэртэж бас мэдэрч болно. Яагаад Самуел Давидыг тосоор тосолсон тухай ярилцаарай. Залбирлынхаа өмнө Есүсийн тухай дуу дуулбал тохиромжтой.